

邹忌讽齐王纳谏

国策

邹忌^{齐人}

修八尺有余、而形貌^同、眈眈、丽。

^{修、长也。眈、日侧也。言有光艳。}

朝服衣冠、

^{朝、晨也。服、着也。}

窥镜

谓其妻曰、我孰与城北徐公美。

^{问法}

一。其妻曰、君美甚、徐公何能及君也。

^{答法}一。城北徐公、齐国之美丽者也。

<sup>插注一
笔。妙。</sup>

忌不自信、而复问其妾曰、吾孰

与徐公美。

^{问法}

二。妾曰、徐公何能及君也。

^{答法}

二。旦曰、客从外来、与坐谈、

问之、吾与徐公孰美。

^{问法}

三。客曰、徐公不若君之美也。

^{答法}

三。明日、徐公来。

熟视之、自以为不如。窥镜而自视、又弗如远甚。

<sup>作两番
写、妙。</sup>

暮、寝而思之、

^{思妻、妾、客所以美我之故。○曰朝、曰旦日、曰明日、曰暮、叙次井然。}

曰、吾妻之美我者、私我也、妾之美我者、畏我也、

客之美我者、欲有求于我也。

^{看破人情、便可因小悟大。}

于是入朝见威王曰、臣诚知不如

徐公美、臣之妻私臣、臣之妾畏臣、臣之客欲有求于臣、皆以美于徐

公。现身说法、下即说到齐王身上、入情入理。今齐地方千里、百二十城、宫妇左右、莫不私王、朝

廷之臣、莫不畏王、四境之内、莫不有求于王、由此观之、王之蔽甚

矣。情理固然、耐人深省。王曰、善。乃下令、群臣吏民能面刺寡人之过者、受上赏、

上书谏寡人者、受中赏、能谤议于市朝、闻寡人之耳者、受下赏。下令之辞、三叠应上。令

初下、群臣进谏、门庭若市、数月之后、时时而间谏、进、邹忌期年之后、

虽欲言无可进者。文亦三变。○齐王固自虚心、叙处似形容太过。燕赵韩魏闻之、皆朝于齐。此所谓战胜

于朝廷。不待兵也。○结断斩截。

邹忌将己之美、徐公之美、细细详勘、正欲于此参出微理。千古臣谄君蔽、兴亡关头、从闺房小语破之、快哉。